

DISCOURS

EVIT GOULEN EUR PLAC'H DA EUREUJ.

Var un ton Comedi.

SALUT, compagnenez, gant ur galon ardant,
 Deus a greis va c'halon e ràn va c'homplimant.
 Ma c'houvejen an tu, ar fêçon d'e ober,
 E voa va brassa joa plijout d'oc'h oll douster.

Peb action gaer d'e ober pa zeomp,
 Dre ar Sin eus ar Groas ato e commançomp :
 En hano an Tad, ar Mab hag ar Speret-Glan,
 Zo tri ferson distinct en eur memes unan.

Abaoue ma voan bian var brec'h va mag'erez,
 Me am boa an desseign da antren er pales ;
 Mes aru ê an deiz, an amzer er vech-màn,
 Ma meus bet an fienor da zont bete ennàn.
 Evit beza hirie antreet en ho ii,

N'ouzoc'h qet, marteze, tenor va c'hevredi :
 Me zo ur messajer zo amàn digasset,
 Qazi hep gout an hent gant an den a euret.

Mes pa zon digasset deus e beurs o pete,
 Me a rai e excus ha va ini ive.

Qent avanç davantach, ec'han d'en em adressi
 Dêc'hu, ô va Jesus, hor C'hrouer, hor Messi.

C'houi eta, va Jesus, a rei dîn ar speret
 Da expliqa pep tra evel ma zeo dleet ;
 C'houi a rei dîn ar c'hraç, pouvoar hag eloqanç,

5

Sclérijen d'am speret da gomz en ho prezang.

Va bolonte ha va design eo hirie au de
Da anong déc'h..... evit ar guir roue,
Mes c'hoas e c'houlennàn da rouanez gantàn
..... ar verc'h..... deus an ti-màn.

Eh bien, plac'h yaouanq, enem stringit d'an daoulin.
Da c'houl benos ho tad qent mont da euteuji ;
A beurs Doue an Tad czeo demp ordrenet
Ne anconesomp qet nep en deus or mag'et.

Benos Doue an Tad a c'hoñlan da g'enta,
Gwir Grouer eus an ên, Gouarner ar bed-ma ;
Mes guelet a ràn c'hoas, pa remérqan erfat,
Penos e que daerou demeus ho taoulagat.

Neqet ar pez oc'h eus grêt eo o gra contristet
Mes guelet ho tad, ho mam penos int dezolet.
Allas ! rêzon o deus, ne de qet hep sujet,
Guelet e teut da guitat nep ne deus o mag'et.

Gant qement eus a soign savet bete vremen,
Qemense a laqa ho calon d'e ouclàn.
Aisa, tad truezus, distroit ho taoulagad
Var ho merc'h..... a c'houlca' he mennat.

Èmedi d'an daoulin dirazoc'h prosternet,
Deus a greis he c'halon o c'houlen he souet.
Ha c'houi, mam dezolet, roit ho penos ganti,
Gant ho merc'h..... da eureuji. *Ia, ia, ia.*

Hola ta..... aualc'h ê qemense,
Oboisset oc'h eus da c'hourc'hemen Doue ;

6

Grêt oc'h eus ho tever gant guir humilite,
Ha Doue ne c'houlen nemet guir volonte.

Eh bien. plac'h fur ha disqet mat,
Avancit ho pasiou evit mont bete ho tad,
Ha roit dezà daou boq eus a greis ho calon,
Pa oc'h eus obtenet e venediction.

Distroit c'hoas eus ar vam pini neus o caaet,
O livret da zemezi pa oc'h eus souhetet;
Mes c'houi ta, tad ha mam meurbet oc'h contristet,
Ocazion oc'h eus, n'en deo qet hep sujet.

Mes ho merc'h a zo fur, instruet mat e ze,
Ha ne deus grêt netra enep ho polonte.
Qent avanç davantach, me c'houlen eviti
Conje he breur, he c'hoar, qent mont da eureuji,

Paeron ha maeronez, mar emaint var ar plaç,
Me c'houlen eviti o penos dig'enac'h.

C'houi o poa contractet en iliz eviti.
Hag hi c'houl ho penos qent mont da eureuji.

Benos he oll ligne, conje he oll g'erent,
Setu ar seul sujet ma omp-ni deut en hent.

Benos ar re zo maro n'allàn qet da c'houlen,
Rac cals a galonou contrist a laqafen.

Guell ezeo eur beden d'ar re zo decedet,
Evit goul o c'honje pa na maint var ar bed;

Dre ze en ho pedan da lavaret g'enen

Ar salm eus an Iliz e repoz d'o ine. *De profundis.*

Arsa, compagneuz a zo amañ prezant,

7

Me zezir ar bonheur d'o renta oll constant ;
 Mes nemeus qet, sioas, speret an oll æle,
 Da gontanti peb-unan herve e volonte.

Ma'm bije ar pouvoar en devoa Alexandri,
 Pa voa bet prizonier er g'ær eus a Vitri :
 Ennes a zisqare, gant moes e drompillou,
 Seis murail simantet en dro da Jerico.

P'otramant ar studi en devoa Josue,
 A laze en combat seis ha trêgont rous,
 A arrête an eol un heur anter en ær,
 Pa voa o combati vit rei dezàn sclerder.

P'otramant ar furnes en devoa Salomon,
 Pe an talanchou caer deus an doctor Ciceron,
 Me forje un discours a vije d'ho souhet,
 Nonpas deus an anter ar pes a veritet.

Eh bien, compagnunes, enem rejouisset,
 Setu bet d'omp an hini pini'r boamp deziret,
 Hag hi qer caer hag an de pe an eol ardant,
 Memeus hor c'halonou a rento oll constant.

Car e hini e unan zo pareillamant zo g'iê
 Vel ma ve an deillou er gue e fin mis mae,
 Memeus qen a zoaj din an devez a hiric,
 E deveus astennet deg blaves va bue.

Graç d'omp d'enem velet er pales celestiel,
 En hano an Tad, ar Mab hag ar Speret-Santel,
 Eno gant hon æl-mat ni vo reprezantet,
 Pa vo ret renta cont dirac Salver ar ar bed.

E vo lennet an decret hep on favorisa,

8

Demeus o meritou vo barnet peb unan ;
Eno na gaseto nag honont nag homàn :
Aoalc'h or bezo tout d'enem justifa.

Mar emeus choquet den dre re a liberte ,
E c'houlàn mil excus digant ho majeste ;
Mar emeus choquet den na drouc laret netra ,
Deus a greis va c'halon excus a c'houlennàn.

Arsa, Compagnunez, ha na drouc sonjet qet ,
Na laret goude se e meus me e laeret ;
Bet emeus ho conje , gant ho permission ,
Me o trugareca eus a greis va c'halon ,
M'o ped d'am asista evit e c'hundui ,
Ma hefomp gant henor de c'has da eureuji.

FIN.

E Montroulez, e ti LEDAN, e ru ar Vur.